

БААДЛ-ДЖИРГЪЛЛА ТАНЬЛДХМН

Хальмг бичачрин хург — республикин кўч-кўлсчирин культури баядл-джиргълд ончта сян йовдл болдж гэрхнь лавта. Советск олт-амтн тўрскн Коммунистическ партин гардврт коммунистическ тосхлтин агъуик кўдлмш кўцагъад, дўмбр саяхн джиргълтā коммунизми хаалгъар йовдж йовдан хандж иргчарн омг авч, дўугад-дўрклдж йовна.

Хальмг олт-амтн харнъгъугъар боорлгддж, кўчр зовлнъ ўздж йовсан ик эртār мартад, олт сай советск олт-амтнн ниницнъгъу ѳрк-булд Коммунистическ партин болн Советск правительствин ѳдр болгъни килмджд, энўнā ик донъ-туст эврāннь эдл-ахугъан, культуран ўзгдād уга кўцвр-мўдār делгрўлдж йовна.

Ноха гангнъм халунд, хавр, намрин хур-боранд суткдан хѳбнā ард йовад, баатр кевār кўллдж йовх хѳбчрин баядл-джиргълинъ, санан-седклинь, эднā байринъ болн тедў мет диилвринъ меддж чимдж бичдж олтн медўллгън — мана бичачрин нārн болн нертā даалгъврнъ болх зѳвтā.

Би мал ѳскāч кўн болад, малин туск тўрмўдār сонъмс-нав. Хѳбчрин баядл-джиргъл ўзулгч шўлгўд, очеркс, талдан чигн произведеньс хальмг келār бичгдхиг мана цуг малчнр, бичачнрās кўлāджāцхāнā. Хальмг бичачрин хург, ури ўгин, нārн бичгин эрки тўрмўдāн хагълхларн хѳбчрин ѳдгā цагин баядл-джиргълиг ўзулгч произведеньс бичх зура темдглх гидж санджанав.

Д. СЕРГЕЕВ,
зоотехник.